

535 Von passâschen ungeverte grôz
 gienc an ein wazzer, daz dâ vlôz,
 schiffræhe, snel und breit,
 dâ engein er unt diu vrouwe reit.
 5 An dem urvar ein anger lac,
 dâr ûfe man vil tjoste pflac.
 überz wazzer stuont daz kastel.
 Gawan, der degen snel,
 sach einen rîter nâch im varn,
 10 der schilt noch sper niht kunde sparn.
 Orgeluse, diu rîche,
 sprach hôchvertliche:
 »ob mirz iwer munt vergiht,
 sô brich ich mîner triwe niht.
 15 ich hets iu ê sô vil gesagt,
 daz ir vil lasters hie bejagt.
 nû wert iuch, ob ir kunnet wern,
 iuch enmac anders niht ernern.
 der dort kumt, iuch sol sîn hant
 20 sô vellen, ob iu ist zertrant
 inder iwer niderkleit.
 daz lât iu durch die vrouwen leit
 sîn, die ob iu sitzent und sehent.
 waz, ob die iwer laster spehent?«
 25 Des schiffes meister über her
 kom durch Orgelusen ger.
 vonme lande inz schif si kêrte,
 daz Gawanen trûren lêrte.
Diu rîche, wol geborne
 30 sprach wider ûz mit zorne:

p. ein (Passas O) u. *T
 an daz w., *T (nur TU)
 schiffrechic (Schiffrichec U), *T (ohne VO)

dâ man vil tj. (tyost vil V) ûffe pf. *T
 ü. w. lac ein k. *T

mirs (mir I) *G *T

ich hânz (han O) iu ê sô wol (vil U V O) gesaget, *T

iu. (om. O), ob ir (vbir U) iuch k. (kõnnent ir vch V) *T (I)

daz sî (wirt L lat Z) iu d. die (om. U) vr. l. (sîn leit Z), *G (ohne Fr19) *T
 die obe *G (*T)

*D: D *m: m *G: G I L Z Fr19 *T: T U V O

1 Initiale D G I L Z Fr19 · Versal T 5 Majuskel D T 11 Initiale T U V 19 nicht ausgeführte Illustration O · Initiale I 25 Majuskel D T 29 Initiale D · Majuskel T

3 schiffræhe] schiffreht *m 13 mirz] mirs *m 15 vil] wol *m